



العشق كما الغربال
أيام وسنين وأعمار
علي ببيان الليل
وادهن كفوفك لمون
واكتب حكاوي العشق
بزيت الكافور
وأملئ كفوفي ملح
واقبض علي الجرح
وأطلق جنحة الطير
التي رايح للشمس
وانحت ف وش المغارب ليل
ليل ييحضن القناديل
ما انا عارف إن للذكري تفاصيل
والفكرة عشق مالموش إيدين
والرسم علي قزاز الشبابيك طريق
كل ما يبعد بيضيق
والوعد رسومات
حتي الكتابات كما الحكايات
تايهة
مش عارفة تطلع من أي طريق
لأن أحلامي نساها علي جناح طير

بتحاول تطير
وتمسك بجنحة العصفير
حتى حصان الهوا تعب
وغرست رجله في الطين
غمض، عيونك ووشوش الأحلام
واتمني
واتحدي
لو تقدر تطير.... طير